

აჭარის არ ფინანსთა და ეკონომიკის სამინისტროს საქვეუწყებო დაწესებულება-  
საავტომობილო გზების დეპარტამენტის  
სატენდერო კომისიის სხდომის  
ოქმი №50/1

ქ. ბათუმი.

01/04/2022 წელი.

დღის წესრიგი: ხელვაჩაურის მუნიციპალიტეტში (მე-2 ზონა) მზა ბეტონის ნარევის მ-250-ის (B-20) ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო დოკუმენტაციის პროექტის დამტკიცება.

სხდომას ესწრებოდნენ:

კომისიის თავმჯდომარე: დეპარტამენტის უფროსის მოადგილე - მამუკა თურმანიძე;

კომისიის თავმჯდომარის მოადგილე და აპარატის წევრი: - სახელმწიფო შესყიდვების სამსახურის უფროსი - ზებურ ჩავლეიშვილი;

კომისიის წევრები:

- იურიდიული სამსახურის უფროსი - მალხაზ ბოლქვაძე;
- ლოჯისტიკისა და ინფრასტრუქტურის მოვლა-შენახვის სამსახურის უფროსი - როლანდ ბოლქვაძე;
- ინფრასტრუქტურის განვითარებისა და პროექტების მართვის სამსახურის უფროსის მოვალეობის შემსრულებელი - ასლან დუმბაძე;

აპარატის წევრი:

- სახელმწიფო შესყიდვების სამსახურის მე-2 კატეგორიის უფროსი სპეციალისტი - ირინა ფუტკარაძე.

მომხსენებელი- ზებურ ჩავლეიშვილი

მოისმინეს: მომხსენებელმა - ზ. ჩავლეიშვილმა სხდომას დასამტკიცებლად წარუდგინა ელექტრონული ტენდერის სახელმწიფო შესყიდვის სატენდერო განცხადების და სატენდერო დოკუმენტაციის პროექტი.

მომხსენებელმა აღნიშნა, რომსახელმწიფო შესყიდვების სააგენტოს რეკომენდაციის შესაბამისად, შესყიდვის ობიექტის საორიენტაციო ღირებულების დადგენის მიზნით განხორციელებული ბაზრის კვლევის შედეგად 3 პოტენციური მიმწოდებლის მიერ წარმოდგენილი იქნა შესაბამისი საქონლის ფასები, მათ შორის ყველაზე დაბალი ფასის მქონე პოტენციური მიმწოდებლის გათვალისწინებით ტენდერის სავარაუდო ღირებულება შეადგენს 418 880.00 ლარს დღგ-ს ჩათვლით, მოსაწოდებელი მზა ბეტონის ოდენობა შეადგენს 2 464 კუბ/მეტრს, ცალკეული გზის მონაკვეთები და შესაბამისად მოსაწოდებელი მზა ბეტონის მოცულობები განსაზღვრულია დანართი #3 -ის მიხედვით.

ტენდერის სავარაუდო ღირებულების, საქონლის მიწოდების სირთულისა და მოცულობის, მიწოდების ვადისა და ბაზრის კვლევის შედეგების გათვალისწინებით განისაზღვრა აღნიშნული შესყიდვის სატენდერო პირობები, ამასთან ბაზრის კვლევის დროს გათვალისწინებული იქნა აგრეთვე შემსყიდველი ორგანიზაციების მიერ განხორციელებული ანალოგიური შესყიდვების (NAT210004279, მონაწილეობდა 2 პრეტენდენტი- ხელშეკრულება N95, 28/04/2021 წ., სახელშეკრულებო ღირებულება 487 597.00 ლარი, (NAT210004273, (NAT210004276, მონაწილეობდა 2 პრეტენდენტი- ხელშეკრულება N88, 14/04/2021 წ., სახელშეკრულებო ღირებულება 495 277.45 ლარი, (NAT210004280, მონაწილეობდა 2 პრეტენდენტი- ხელშეკრულება N98, 29/04/2021 წ., სახელშეკრულებო ღირებულება 473 488.00 ლარი, (NAT210004281, მონაწილეობდა 2 პრეტენდენტი- ხელშეკრულება N102, 10/05/2021 წ., სახელშეკრულებო ღირებულება 482 245.00 ლარი, გამოცდილება, რომლებსაც ახალი ტენდერის გამოცხადებამდე არაუგვიანეს 12 თვისა მიენიჭა სტატუსი - „ხელშეკრულება დადებულია“.

ბაზრის კვლევის შედეგად გამოვლენილი პოტენციური მიმწოდებლები აკმაყოფილებენ გამოსაცხადებელი ელექტრონული ტენდერის სატენდერო პირობების მოთხოვნას.

ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად ვადები განისაზღვროს „სახელმწიფო შესყიდვების შესახებ“ საქართველოს კანონის 15<sup>1</sup> მუხლის მე-3 პუნქტის „ბ“ ქვეპუნქტის შესაბამისად.



მიწოდების ვადა 100 კალენდარული დღე საქონლის მიწოდების დაწყებიდან, მიმწოდებელი ვალდებულია საქონლის მიწოდება დაიწყოს შემსყიდველის წერილობითი მოთხოვნით განსაზღვრულ ვადაში და დაასრულოს 100 კალენდარულ დღეში დანართი N3-ით განსაზღვრული გზების ჩამონათვალის შესაბამისად, შემსყიდველის წერილობითი მოთხოვნაში დაფიქსირებული იქნება ეტაპით გათალისწინებული ბეტონის მიწოდების ვადა, გზის მონაკვეთი პიკეტების მითითებით და მოსაწოდებელი მზა ბეტონის მოცულობები. საქონლის მიწოდება განხორციელდება 2 ეტაპად, თითოეული ეტაპი მოიცავს 50 კალენდარულ დღეს.

პრეტენდენტს მოეთხოვება შემდეგი სახის ტექნიკური დოკუმენტაციის წარმოდგენა:

- ფასების ცხრილი - დანართი N1, საქონლის წარმოშობის ქვეყნის და მწარმოებლის მითითებით.

- ტენდერში მონაწილე პრეტენდენტს **2019 წლის 01** იანვრიდან შესყიდვის გამოცხადების თარიღამდე პერიოდში სახელმწიფო შესყიდვების ფარგლებში, ან/და სახელმწიფო შესყიდვების ფარგლებს გარეთ შესრულებული უნდა ჰქონდეს საავტომობილო გზებზე მზა ბეტონის დაგების ან გზის რეაბილიტაციის სამუშაოები ან/და განხორციელებული უნდა ჰქონდეს მზა ბეტონის მიწოდება დამკვეთისთვის საერთო ღირებულებით არანაკლებ 420 000 ლარის ოდენობით.

პრეტენდენტის მიერ წარმოდგენილი იქნას სამუშაოს შესრულების ან/ და მზა ბეტონის მიწოდების დამადასტურებელი დოკუმენტების ასლები (ხელშეკრულების ასლ(ებ)ი ხარჯთაღრიცხვ(ებ)ით, (არსებობის შემთხვევაში) სამუშაოს შესრულების მიღება-ჩაბარების აქტ(ებ)ის ასლები, სამუშაოს შემთხვევაში შესრულებული სამუშაოს ფორმა #2 (არსებობის შემთხვევაში). ფორმა N2-ის ნაცვლად შესაძლებელია წარმოდგენილ იქნას სხვა დამადასტურებელი დოკუმენტი (საგადახდო დავალება ან ანგარიშვაქტურა). იმ შემთხვევაში, თუ სამუშაო ან/და საქონლის მიწოდება განხორციელებულია სახელმწიფო შესყიდვების ფარგლებში და დამადასტურებელი დოკუმენტები ატვირთულია ერთიან ელექტრონულ სისტემაში (შესყიდვების ოფიციალური პორტალი <https://tenders.procurement.gov.ge>), პრეტენდენტმა შესრულების დასადასტურებლად საკმარისია მიუთითოს სახელმწიფო შესყიდვის შესაბამისი რეგისტრაციის ნომრები (მაგ: NAT/CMR/SPA და ა.შ).

ინფორმაცია წარმოდგენილი იქნას დანართი **N2-ის** სახით.

- ინფორმაცია სამუშაოების შესასრულებლად საჭირო მანქანა-მექანიზმების შესახებ, კერძოდ:

პრეტენდენტ პირს ტენდერით გათვალისწინებული სამუშაოების შესასრულებლად უნდა გააჩნდეს საკუთარი ან საქართველოს სამოქალაქო კოდექსით ნებადართული (ქირა, იჯარა, თხოვნა და ა. შ.) თანამედროვე ტექნიკური მოთხოვნების შესაბამისი მატერიალურ ტექნიკური ბაზა, კერძოდ:

პრეტენდენტს საკუთრებაში ან/და იჯარით სარგებლობაში უნდა გააჩნდეს მზა ბეტონის ნარევის დამაზადებელი მოქმედი ქარხანა. ქარხნის საშუალო წარმადობა უნდა იყოს საათში არანაკლებ 35 კუმ/მ-სა, რაზედაც წარმოდგენილ უნდა იქნას აუდიტორის/აუდიტორული კომპანიის დასკვნა, რომელიც „ბუღალტრული აღრიცხვის, ანგარიშგებისა და აუდიტის შესახებ“ საქართველოს 2016 წლის 8 ივნისის 5386 კანონის შესაბამისად რეგისტრირებულია აუდიტორების/აუდიტორული ფირმების სახელმწიფო რეესტრში და უფლებამოსილია განახორციელოს აუდიტორული საქმიანობა/მომსახურება (ვებ. გვერდი: [saras.gov.ge](http://saras.gov.ge)). (დასკვნა გაცემული უნდა იყოს ტენდერის გამოცხადების შემდეგი თარიღით).

ასევე საკუთრებაში ან/და იჯარით სარგებლობაში უნდა გააჩნდეს 7 ერთეული ბეტონმრევი მანქანა. იჯარის შემთხვევაში (როგორც ბეტონმრევი ქარხნის, ასევე ბეტონმრევი მანქან(ებ)ის), საიჯარო ხელშეკრულების ვადა განსაზღვრული უნდა იყოს არანაკლებ 2022 წლის 31 დეკემბრისა.

-წარმოდგენილი იქნას ბეტონმრევი მანქანების სარეგისტრაციო მოწმობის ან/და საკუთრების ან/და სარგებლობის უფლების დამადასტურებელი დოკუმენტების ასლები. იჯარის შემთხვევაში წარმოდგენილი იქნას როგორც საიჯარო ხელშეკრულებების, ასევე სარეგისტრაციო მოწმობის ასლებიც, ამასთან საიჯარო ხელშეკრულებაში მითითებული ავტოსატრანსპორტო საშუალების გამქირავებლის საკუთრებაში უნდა იმყოფებოდეს სარეგისტრაციო მოწმობაში დაფიქსირებული ტრანსპორტი, ან/და სარეგისტრაციო მოწმობაში დაფიქსირებულ სატრანსპორტო საშუალების მესაკუთრეს ნოტარიალურად დამოწმებული მინდობილობით უნდა ჰქონდეს გაცემული ტრანსპორტი გამქირავებელზე, ტრანსპორტის იჯარით გაცემის უფლებით. იჯარის შემთხვევაში საიჯარო ხელშეკრულების ვადა განისაზღვროს არანაკლებ 2022 წლის 31 დეკემბრისა.

პრეტენდენტს მოეთხოვება საკვალიფიკაციო მონაცემების წარმოდგენა, კერძოდ:

ა) ამონაწერი სამეწარმეო და არასამეწარმეო (არაკომერციულ) პირთა რეესტრიდან;

ბ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ, საიდანაც უნდა იკვეთებოდეს რომ პრეტენდენტს არ გააჩნია აღიარებული დავალიანება ბიუჯეტის მიმართ, ამასთან არაღიარებული საბიუჯეტო დავალიანება არ უნდა აღემატებოდეს ცნობაში დაფიქსირებულ ზედმეტობის თანხას.

- იმ შემთხვევაში თუ პრეტენდენტის მიერ წარმოდგენილ საკვალიფიკაციო მონაცემებში რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება ან/და პრეტენდენტი რეგისტრირებულია მოვალეთა რეესტრში, ასევე თუ შემოსავლების სამსახურის მიერ გაცემული ცნობის თანახმად ფიქსირდება ბიუჯეტის წინაშე დავალიანება, პრეტენდენტი დისკვალიფიცირებული იქნება სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დანტკიცებული „ელექტრონული ტენდერის ჩატარების წესის“ 32-ე მუხლის 1 პუნქტის (ე) ქვეპუნქტის საფუძველზე.

- მოეთხოვება ხელშეკრულების შესრულების უზრუნველყოფის გარანტია სახელშეკრულებო თანხის 5%-ის



ოდენობით, რომლის მოქმედების ვადა განისაზღვროს არანაკლებ 2022 წლის 31 დეკემბრისა.

- ავანსის გაცემა გათვალისწინებული არ არის;

- განისაზღვროს შეთავაზების ფასის კლების ბიჯი - შესყიდვის სავარუდო ღირებულების - 1%.

კომისიის წევრებმა განიხილეს წარმოდგენილი სატენდერო განცხადებისა და სისტემაში ელექტრონულად შევსებული სატენდერო პირობების პროექტი და მხარი დაუჭირეს წარმოდგენილ პროექტს.

დაადგინეს:

1. დამტკიცდეს ხელვაჩაურის მუნიციპალიტეტში (მე-2 ზონა) მზა ბეტონის ნარევის მ-250-ის (B-20) ელექტრონული ტენდერის აუქციონის გარეშე სახელმწიფო შესყიდვის წარმოდგენილი სატენდერო განცხადების და სისტემაში ასატვირთი ელექტრონულად შევსებული სატენდერო პირობების პროექტი. შესყიდვა განხორციელდეს ელექტრონული ტენდერით აუქციონის გარეშე.

2. შესყიდვის საორიენტაციო ღირებულება განისაზღვროს 418 880.00 ლარის ოდენობით, მზა ბეტონის ოდენობა - 2 464 კუბ/მეტრი, ცალკეული გზის მონაკვეთები და შესაბამისად მოსაწოდებელი მზა ბეტონის მოცულობები განისაზღვროს დანართი #3 -ის მიხედვით.

3. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

კომისიის თავმჯდომარე:

მამუკა თურმანიძემ

კომისიის თავმჯდომარის მოადგილე:

ზებურ ჩაველიშვილი

კომისიის წევრები:

მალხაზ ბოლქვაძე

როლანდ ბოლქვაძე

ასლან დუმბაძე

აპარატის წევრი:

ირინა ფუტყარაძე